

Zeitschrift: Le nouveau conteur vaudois et romand
Band: 90 (1963)
Heft: 1

Artikel: On vîhlio valet
Autor: Martin, Adrien
DOI: <https://doi.org/10.5169/seals-233151>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 19.02.2026

ETH-Bibliothek Zürich, E-Periodica, <https://www.e-periodica.ch>

Lo vîhlio Pierro à Tambou l'étâi lo pllie galé hommo dâo mondo. Adî dzoïau, serveiseint, adî onna gaudoise aô bet dâo mor, fasâi plliési à vérè. L'étâi resta vîhlio valet, por cein que n'avâi jamé trovâ, que desâi, onna fehlie prâo galéza et prâo retse por lî, et démâoravè tot solet dein 'na pucheinta carraïe que l'avâi fé fère âo bas dâo veladzo, intrémi duè tser-rairè.

Viquessâi avoué sè vatsè, onna tchîvra, on par de dzenehliè et on crouïo pû que fasâi tot lo dzor on détertîn dè la mét-sance. L'avâi assebin on vîhlio matou que droumessai sù lo mouret dè la cava, et que soccliavè lè dzein qu'ousavant s'approtsî dè l'ottô.

L'hivè se teniâi à la cavetta, bin âo tsaud ; l'âi passavè dâi z'haorè à lière lâi laivro que veniai queri la demeindze la matenâ aô collîdzo, à la « bibliothèque », quemeint diant ; et pû, quand l'avâi liè on momeint, sè mettâi à ronclliâ assefermo quîè lo tambou dâo mécanique. N'amavè pa tant dévesâ avoué lè dzein ; mâ, quand sè trovavè tot solet avoué mè, ein avâi por au pucheint momeint à barjaquâ et à mè grava d'allâ dinâ quand fiesâi midzor. On iadzo que pouavè pas via et que mè dévesavè dè sè vatse et dè son otto, et que régrèttavè on bocon dè s'ître pas mariâ, lâi avé demandâ : « Mâ,

ditè vâi, quienn' idée âi vo zu, por on hommo tot solet, dè vo fère à bâti onna carraïe avoué on pâilo dévant, on pâilo dèrrâi et oncora d'ao traî tsambrè per amont ? — Aoh bin, avâi-t-e répondu, la plliace lè quemeint l'ardzeint, on n'ein a jamé trâo. Por drumî, aré prâo âo pâilo dévant, mâ fâ adî bon avâi on pâilo derraî dâi iadzo qu'on a on cugnû âo bin on on môo. »

Clli Pierro à Tambou l'étâi on tot dû ; l'avâi étâ fé avoué dâo rodzo dè tsano. Rein l'âi pouavè, et nion n'avâi jamé oïu derè que l'avâi étâ malado. Travaillîve qu'on sacro, medzivè quemeint on Allemand, sè soulavè quemeint on caïon et droumessâi tota la né, quemeint le marmottè. Mâ, on dzor que révegnâi dè la fâire dè Mâodon, s'étâi fotu avau son tser, l'étâi tsaî sù la rîta, et du cein l'étâi resta on bocon râipau.

On hivè que tot le veladzo avâi la couerla, et que la mâitî dâi dzein l'avant dû se fotrè âo lhî damachein que pouavant pas mé ein an, lo Pierro passavè on coup dévant tsi mè, et l'ai avé de dinse : « Vo z'ai bin de la tchance, vo, de n'ître jamé malado ; vo n'âi jamé ramassâ dè clliau maladi quemeint lè z'autrè dzein ! — Mâ, que mé fâ, quemeint vudrà-vo que ramasseïo oquiè, mè que ne pû pas mè cllienna ! »



**Mutuelle
Vaudoise
Accidents**

**Vaudoise
Vie**

bien conseillé - bien assuré